



07381

東廓鄒先生文集卷之十一

五言古體

過大和有懷宜學兄

朝沂西昌口暮次五雲驛時雨借長風峻磯不得阨葱蒨叢  
林紫巖業遠山碧溪罟宿漲魚村刈初晴麥卽物多所欣庶  
用慰行役因念同袍友杜門安遠謫疇昔壯遊志霏談消永  
夕古劔掛扶桑音字勒碣石何當携素手高泛滄洲席

萬安入灘懷古

亂岫卧羣駝高灘捷鳴鏑不知惶恐聲千載向誰滴憶昔文  
東廓鄒先生文集  
卷之十一  
一  
山翁天驥辱胡勒九死南北征正氣干虹霓回首萬嶺上伶  
俚恣荒間甫申竟何在五雲空的際輕舟行弔古幽憤若爲  
滌浩歌巡遠詞欲鐫蒼苔壁

竹巖

新安有佳人環珮何璫瑤獨乘玉麒麟馳上昆侖峯手移碧  
琅玕植之青芙蓉朱鳳下徘徊和鳴聲淅淅音難自秘被  
諸徵與宮撫時去已遠遺韻猶春容三嘆不可卽注目長江

東

歲暮詠懷



惠風嘘融日桃李夾廣路凝霜下野草忽忽歲已暮寒暑互  
推移壯顏不可鑄睠睠懷美人踟躕局遠步仰視雪霰飛俯  
觀江河涸履運結心曲欲言無與晤下里多和者車馬相馳  
鶩誰起晉大師爲世陳瑩護

古松瘦石山房爲黃地曹汝英賦

茅亭闢小隱古松蟠翠蓋嘉賓結竒石臭味相倚賴靈風九  
天來午夜鳴虛籟兀然自領畧點頭意潛會美人萬古心平  
川瀉澄瀨時鼓大乙琴神凝塵業蛻夢公與醒酒儉語將無  
汰佳致欲忘言妙解在言外

東廓鄒先生文集

卷之十一

二

望雲祝壽爲徐尹牧之賦

悠悠騁秋望四明遙在目白雲從何來翳我文溪屋我欲往  
乘之玄鶴驂蒼鹿手稱南山觴泛以東籬菊玉軼不可馳傍  
徨當誰告在官與在側此樂將安屬援琴鼓清商心與雲相  
逐

贈憲副林廷元

旒旒向央央出祖瀘水蘂悠悠萬里道歲莫將安之

聖皇覲耿光除戎殿南陲丈夫志許國孰擇病與夷緹室回葭  
律陽德方亨滋行矣昭王猶持報新相知

約子持世望茂純內重虞卿同歸不至

疊疊衆君子共此明月期明月耿耿波君子杳何之寄聲東  
飛鳥遡洞慎勿遲夜來月漸圓浩歌有所思

侍陽明先生游青原山次韻

道人愛邱壑仙標絕氛埃平原與文山大字猶昭回炯然忠  
義氣相照烟霞隈我行躡飛鳥雲關恍洞開深林卻炎威中  
有開元材板橋噴玉虹峽束湍聲哀掃石玩急流捫蘿瞰崇  
厓冠欹穿篁篠步滑緣松階散目憇層樓劫火失雕棖金剛  
有壞滅矧復嘆沉埋稍喜年初熟禾役擁田垓翻思在軍中

東廓鄒先生文集

卷之十一

三

臯很正相猜祝融似幸禍淫毒枯陳蓂今日胡不樂勝境款  
清杯冲情齊寵辱達觀忘形骸由來青蚪駕羊腸豈易摧逝  
將精瓊麈杖几終叅陪朝攬廬峯秀夕泛海濤飈笳以東山  
墩不離歌舞哇懷哉醒心亭幸以文詞偕皇極平如砥車馬  
誰往來迷復亦已遠况乃歲月催步趨追逸響征軸敢遲徊  
同陳淮濬諸友遊通天巖小飲圓明洞

探闕闢幽竇躋險屐崇脊歡言衆君子共此山水癖傳杯忘  
爾汝浩歌激金石酣歸問山英何年見此客

復宿玉虛宮

待月升山椒月明山更好如泛六海中乘風立絕島勞生亦  
已愚行樂苦不早短榻藉秋雲月色何須掃

贈巴山王憲副

世路苦多岐萬里汨勞塵不知肺肝內自有天下春相彼負  
敗者競僞棄其真卓矣珍故吾是非姑隨人

讀忠愍劉公年譜

吾邦富儒術自古多節槩古廉與兩谿綱常振一代肅容誦  
遺編浩氣凜如對五十二年間兢兢不敢諄諫草排虎豹家  
書吐肝肺事定俎豆馨天道自相賚皇皇孔孟書規矩勤詔

東廓鄒先生文集

卷之十一

四

誨殺身尚不惜况復妻子輩云胡狂奔呼秉燧日蕪穢豈知  
喉舌飢翻令腸胃潰汚跡混蝨蟻方策有餘慙吁嗟百年身  
棄置不自愛公神游大虛何以藥其廢幽齋耿孤望分我飛  
霞佩

賦唐虞佐春暉堂

游子在江右親舍浙之東相望歲月深欲駕歸飛鴻歸鴻若  
不遠持斧代天工王事尙未暇將母情自忡親舍春長滿晴  
光映芳藁願普堂上春八荒及疲癯持此報吾君親意將無

東陽菴與彭氏諸彥夜話

冒暑卧石室乘雨下東陽疎燈映清筵話此秋夜涼善積慶  
有餘反之來百殃如彼樹蘭蕙時至自芬芳勉旃圖培溉勿  
縱荆棘狂漏殘不成寐更盡君子觴他年久離別無忘祝聖  
堂

武功遊機心潭及龍窟

石函鑿玉峽奔流太古雪下有雷霆鳴飛鳥不敢越攀蘿往  
從之路滑足屢蹶斬菅坐盤石神魂自清潔機心從何來乃  
爲此潭涅朗咏侑行觴不知日已沒諸生步更健魚貫升巖

東嶽鄒先生文集

卷之十一

五

嶠遙尾猿猱跡直犯蛟龍窟瀑布九天來回壁如削鐵濺注  
雲氣腥陰風竦毛髮歸來手指畫霏霏如玉屑逝將洗塵慮  
共飽深巖蕨靈山久有聲勝事多未發短歌挾竒踪聊用埃  
來哲

望貞樓

陰雨尼游興夕霽試遠足風驅浮雲歸回合沒我腹旋撥芋  
粟火更就望貞宿大讀遠遊篇逸響振空谷風馭如相尋冷  
然動叢竹

步自圖平至集雲菴

興來拄方竹獨往不知止童冠相追隨更入碧雲裏峭壁插  
天末古木舞烟雨惟藤糾蛇龍爲問幾甲子疑是洛水前蒼  
苔掛樹尾俯視山腰白滄海渺無涘林影如鰲背出沒方壺  
嶼拍首命玄鶴羣真竟何許石枰几幾局秦項一逝水小橋  
轉清灣幽殿閒徙倚長生自有術誰復相料理君看隱霧豹  
肯作負塗豕勉哉諸同遊萬里審其始

贈渙井曾山人

我有山水癖十年猶未瘳俯石瞰危壑捫蘿躋層邱青原與  
玉巖是處足淹留秋來興更逸軒睡葛仙樓疊障盤肺腑懸  
東廡鄒先生文集 卷之十一 六  
瀑鏘琳球惜不携渙井點檢雲外遊一訂仁智堂夙夜思臧  
修

濂溪讀書圖

光風裊香烟叢竹漏月色瞳目方策外冥然會太極蕩裨日  
以秀殷勤指嘉稷稽首果確訓庶以食公德

題扇贈倫媿翁

少年耽世味悲喜遞相擾老來悟天機迥立氛塵表月光搖  
波心風聲入樹杪抱膝杳無言獨數歸飛鳥

除夕有感示同志

巍巍先王道菽粟飫吾民支流日以遠播種漸失真鑽研故  
紙間回回役精神譬彼胥吏徒較勘大倉陳布籌入圭撮指  
掌羅萬困回首視素業居然赤窮身不有指南訣迷途誰知  
津朝夕營一飽荷鋤事蓄新城裂無所穫三見屠穰春常恐  
歲華速遂爾荒荆榛擊鼓告同社耦耕兢良辰

謁象山書院

平生義利辯廩廩森斧斤讀之竦毛髮再拜書諸紳千古舜  
蹠訣界限不容塵誰遣異同說支流遂失真壯哉東山筆圖  
繪得精神超然契本心百世俟聖人短棹謁遺廟一門儼冠  
巾松竹交惠風石骨削磷峒登亭撫空曠華燭續良辰寥寥  
舞雩瑟幽韻若爲陳

嘉會樓生日謝諸友

朝暾掃宿雨光映千丈流羣峯呈面目春林枝相樛男兒志  
桑弧愜然感遠遊峩冠儼諸友正上嘉會樓再拜謝高義佳  
句鏗琳球幽探先王業遠抱天下憂顧念劬勞德風夜正未  
酬年華復迅速峻瀨放輕舟凜凜七尺軀坐與垂魚儻永言  
期弗諼庶以寡悔尤

德勝壩別內重子懋一舒

明月漸東圓美人忽南去對坐德勝水悵望錢唐路昔來梅  
發萼今別柳飛絮感此草木變始知歲月度古人重意氣傾  
蓋自如故况我芝蘭友肝膽照布素顧慚空踈質坐闕經世  
具時賴千金藥起我百年痼仙舟慎出入春深多烟霧逃矣  
趨江河斷港滯遠步聚散雲中月盈虧自有數行當返初服  
共吸雷巖露

謁江都董子祠

聖人蘊元化道義從此出成功配覆載利澤浸蟻蝓學術一  
以蕪功利爭馳軼譬彼本根僵顧求枝幹茁桓桓三策翁正  
東廓鄒先生文集

卷之十一

八

派歸聖室兩言別涇渭千古垂星日束帶瞻新宮邈亘蕭芬  
苾平津與嫖姚相望竟何述世調正未諧莫笑齊門瑟願言  
依末光皓首軒轅律

登羊山寺望下邳有感

輕舟沂長淮掛席受天風千里渺平壤始見嶧陽峯躡屩升  
陽山層樓俯晴空孤桐竟寥落悵望疏鑿功河沉漸失道滯  
水衝孤壖哀哉菽麥畦半作鼃鼃宮瓣香祝蒼生擊壤歌年  
豐歸來赤松子並駕凌長虹

▲呂梁書院爲郭守衡賦

呂梁天下吐懸水三十仞石骨相撞春地底雷霆震晝夜注  
淮海化機無停仍川上發微言觀瀾得正印湜湜玉泉子源  
頭自疏濬結屋俯江臯橫經匡寒雋正派一以導百數激芳  
潤去去中泚歌遺愛波來亂

松谿程侯創復古書院勉同志

兩水環三橋相傳絃誦地俯仰四百年誰爲興復計壯哉松  
谿侯不墜伊洛世高堂突榛莽古道尙可奠

復古寧在地明德儼無恙斯民遷三代聖訓豈吾誑懷哉惜  
陰功當仁期不讓牛刀雖可哂猶堪頽波障

東廓鄒先生文集

卷之十一

九

力田望積倉居肆必成藝爲士不致道此生空自棄學術苦  
易偏忘助交爲累屋漏有妙訣赫然臨上帝  
兩視目不明兩聽耳不聰耳目非有異二用遂罔功嗟嗟一  
點丹乃受羣物籠夙夜躋文明母然終贖龔

天使封藩爲會昌孫侯呆賦

巍巍古神堯昭德親九族膏澤浸萬邦鳥獸熙春育

聖皇陟大統上紹唐虞籙渥恩頒通侯遠錫 宗藩福玉節照

金丹焜煌番水淥魚龍挾蘭櫂往來天風速入對通明殿爲

陳南國俗師族幾枯骨水旱紛枵腹屢普放勳仁璿璣調玉

燭皇華有餘音五善昭芳燭

贈見素林先生四首

八疏辭司寇歸卧雲庄曲豈不戀 明主山林有定局百年  
尙友心紉道以爲服去去塵勿縉莞爾忘寵辱

千金學異技鸞刀切璞玉江蜀小試之剡剡奪人目老手登  
玉府胡然多反覆氣機不可詰善刀藏魚服

英英雲莊雲飛上蒼龍角濛雨未成霖三農尙蒿目所喜清  
明風颯然驅煩濁峯頭時卷舒千里勞延矚

悠悠萬里車振策驅原陸日暮歸里閭輸此珠千斛丁寧語

東廓鄒先生文集

卷之十一

十

僕夫正須脂其轂奇矣懿戒翁菁菁淇上竹

贈劉振廷謫廣德二首

羣龍方蒲朝誰遣獨南征援琴鼓離思柱足多商聲男兒志  
百世一官何重輕去去三峯上小范有遺亭

徃夢符祠山輕舟隨歸鴈黃牛立石馬依依故非幻氣機自  
有定官箴詎可慢試問歐夷陵何如高司諫

贈石齋楊先生三首

成功古難居完名天所靳悃悃辭上公纒然翔千仞毒城舊  
釣遊雲闕不須問回首謝 天子明堂執金鏡

班荆雜漁樵酒酣談往事隻手扶九鼎未恤身憔悴至今風  
寔夜指麾勞夢寐歸來赤松子再拜 君王賜

孤生澤中葵得托朝陽影常恐夕露零坐令春華冷繡裳邈  
難留台符尙未靜夜半起踟躕極目入參井

贈陸伯載廷平

角鴟白晝寘玄鶴夜半警物情自萬狀頽然翫昏醒秋風菰  
萊思再理季鷹艇古調寡予和高卧崑山頂焉知主父氏委  
身博五鼎

同丁敬夫陸伯載登安平鎮

東廓鄒先生文集

卷之十一

十一

平野罕登覽初上止瀾亭秋高霜露肅渺然天宇明泰山巍  
東峙煙雲時縱橫宮墻動遐思塞裳欲宵征

同伯載發濟寧謁闕里

壯齒多蹉跎束裝始入魯自哂官道樛欲分杏壇雨羣山似  
喜客馬首交翔舞努力渡泥潦前途平如砥

謁孔林二首

衝雨宣聖林林深風颼颼徘徊築場處君蒿若可求陟降昭  
上帝千秋尙來遊何當挽天河再續朱水流

靈植携四方萬古尙蓬勃當年習禮地一樹猶見伐吾道自有

定中天懸日月不見桓司馬石柳空碑砣

雨歸

悵然別 宮闕欲去仍躊躇陰雨鮮留客霏霏襲我裾昨暮  
猶康莊今晨遂泥塗晴雨不可詰且復慎馳驅

沙河道中

秋水苦泛濫經月猶未蕪四顧菽稷疇渺渺瀦平湖沉竈育  
蝦蟇類垣翳菰蒲疇能叩天閭白日照康衢

夢王宜學談笑入客位有人言未可信對案仍大噓數

語既覺記其二句喜而紀之

東廓鄒先生文集

卷之十一

十二

人言未可信對案仍大噓夢中見顏色英氣真廓落神明相  
正直俯仰無愧怍晴雲滿玉華共斲雲根藥

阻風沛縣懷陳原習道長

南風何怒號淫水迷洲渚閉蓬欹孤枕飽聽寒更雨時從隙  
中望荒村立敗堵牛羊集墟塚木末懸網罟撫時自多感擁  
懷無與語開君陽羨茶試以琉璃水清風生習習仙舟渺何  
許身瘠思民肥高情常踽踽幾時對明光一拯顛厓苦

贈王天民

山城迥從希懷人夢正永誰知北風涼共坐寒燈影妙語理

舊盟瞿然得新警  
陽光回九淵  
重陰漸可屏  
師席正未早  
斯文有冠領  
先聖經行處  
荒村儼遺井  
勿憚千尺深  
清宵索長綆  
渴腸思一瓢  
郵置時當請

寄鮑復之

昔別佑聖閣  
重遇長安鋪  
聚散本無期  
狂飈吹輕絮  
珍重嗔主翁  
惺惺當如故  
道路互險夷  
馳驅自有度

太平舟中二首

十載麋鹿姿  
獨抱青山病  
一官寄簿書  
偶爾荒三徑  
興言斜川遊  
油然而愴  
真性鼓棹歸  
去來卧對棊  
書靜

東廓鄒先生文集

卷之十一

十三

湖光盪虛舟  
英英多爽氣  
羣山遞迎送  
飽看有餘味  
遙羨赤壁翁  
嘯歌睨天地  
夜寒白鶴過  
呼之或可至

用韻勉諸生二首

往聖留竒方  
六籍矻百病  
誰遣其痿痺  
憧憧趨迷徑  
珍重二三子  
咀嚼保天性  
擴之醫四海  
壽域同寧靜

實學自屋漏  
養此剛大氣  
化機粲鳶魚  
俯仰有真味  
云胡棄至寶  
寵華競樂地  
聖途本平平  
驅車行可至

贈林儀部貞夫歸閩三首

世業存經濟  
四牡正駸駸  
胡然按長轡  
稅駕歸雲岑  
遲暮武

夷仙九曲留徵音夜深精爽來共語千載心

鼓琴崇巖陰俯瞰長川駛曲罷抱遺經超然究終始明德如皎月纖雲不可滓莫嗟會面難清輝長千里

故園未得歸裴回橫山側才踈負清朝飽食歌

帝德時時集青衿抗言忠孝則何當駕蒼虬共嘯聞天碧

同劉內重諸友登橫山四首

夙好在邱壑所歷忘渴饑每逢談音絕清夢行依依及茲分簿領幽賞事多遺欣言二三子携手躡翠微

青陽禪朱光百昌各芳菲撫時念行樂日昃遂忘歸壺矢間

東廓鄒先生文集

卷之十一

十四

觴咏悠悠仰浴沂古瑟久寂寥莫笑知音希

雖微瑯琊秀顧瞻亦鮮匹才踈負山靈正乏醉翁筆仰觀天造初高皇按清蹕龍章有餘輝時復貫奎壁

臺殿荒荆管遺跡勤搜求掃石結新亭俯瞰卧龍湫湫龍杳莫測水旱無涸流時哉慎潛見蒼生多隱憂

謁原采先生墓

薄寒初中人溥露飄零雨肅容拜墟墓含涕薦椒糈周粟豈不佳所執亦獨苦百年會有盡授命貴得所至今采薇風威颯被蘭杜後嗣竟何在莫掃自有主男兒志綱常寵利輕浮

羽悠悠忠孝心此道無今古

吳興公館

柔藤生竹根依倚叢竹上雨露交滋之支蔓爭豪放見藤不見竹竹勢日凋喪我來避炎威徒倚增惆悵呼童斬巨蔓叢竹漸踈暢物理胡反覆人情更萬狀濡筆寄觀風四牡勤咨訪

宜興簡朱士光道長三首

陽羨佳山水按圖勞夢寐秋風有成約歲晏始得至擁爐酌醇酒細話索居事欹枕未及寤巖鍾已報曙

東廓翁先生文集

卷之十一

十五

離羣動經年清談纔通夕登舟張別筵坐負登山屐世局難預定酷如手中奕耿耿歲寒心冰雪自眞白

春至餘十日積雪尙崔嵬愧無黍谷律潛引陽光回知君有竒骨掌上生雲雷願言歛飛霜春和舒九垓

歲除

端居念節序兩見桐川春德業不增舊日月送以新高歌伐檀章披衣欲及辰還丹鍊未就何以壽斯民

白鹿洞步韻

名山屐屢躡匡廬艾未見舉衣泛層湖振策凌絕巘一咲六

台亭始識五  
乙面煙雲異  
晨昏仙標儼不變  
俯憐塵寰中  
白駒走郵傳  
邛口無極翁  
絕學天所眷  
皇皇白鹿規  
逸駕競相勸  
矢言二三子  
無負義利辨

贈方世佩三首

中暑如中醒  
日望秋風發  
秋風有成約  
飽歷山水窟  
寧知燕磯帆  
遂掛盧溝月  
萬事難預定  
坐看江流滑  
江流當共濟  
同舟無彼我  
協恭得良劑  
時以醫吾頗  
風波忽以渝  
咲語竟相左  
矢言守忠信  
溟海無不可

忠信非外求  
明德曷如日  
賈誼不升堂  
相如不入室  
世情競

東廊鄒先生齋朱

卷之十一

十六

花萼根株恐未實  
冀置齊門竽  
虞廷有琴瑟

贈林宏用守太平三首

病暑不能寐  
起坐秋月涼  
懷子將出祖  
贈子明月光  
明月無將迎  
炯然照四方  
纖雲勿翳之  
萬民永相望

恒暘或成旱  
久雨亦爲潦  
一氣苟不調  
百昌各以槁  
寬猛無定局  
時措以爲寶  
請看大和境  
化機自皞皞

時登黃山上  
遙見大江流  
天誅自采石  
一戰破萬艘  
創造正艱虞  
紹述當訪求  
試繪

神功圖早晚  
達前旒

贈栢齋何司空北行四首

至道齊精粗敬事無衆寡由來益與夔化機同陶冶民情多  
凋敝酷似東野馬非公勤小物孰與醫聾啞

昔聞虞廷日濟濟自相讓至和薰玄化坐見天工亮宇宙皆  
同胞維持在家相請研西銘篇更出秦誓上

古人未易見誰是今楊縮朝來拜白麻侈俗夕以赧凜凜水  
雪操翠栢天所產邛首棟明堂定價收青簡

寒菊倚翠栢臭味頗相契欲採東籬英持贈紉蘭桂采采不  
盈羽霜風薄短袂願分枝上露服食三千歲

東廓鄒先生文集

卷之十一

十七

贈皇甫于浚子安三首

昔別姑蘓臺五見黃華發寧知金陵夢共抱茅亭月朱絃無  
俗調冷冷灑冰雪笑指希聖途康齋有成訣

聖學在無欲軒裳安足動殘炙飮青蠅竹實饑丹鳳此闕苟  
不徹萬卷徒諷誦誰能百年內擾擾悲春夢

年華堂堂去迅如建瓴水羨子振長鬣扶風並萬里天高雲  
路遠日夕慎棲止忠孝儼庭訓千秋昭青史

送江汝習施子中歸九華山書院

幽尋山水窟新闢仁智堂

師言正在耳夙夜其可忘雙闕

掛明月影落堂中央  
精明永相望不迎亦不將

贈陳子文之廣西二首

官聯幸清暇  
兩共梅花語悠然  
翫真白肝膽各自許  
多病方  
蝸伏高才已鴻翥  
往携舜江波洒作舜山雨

舜江正浩蕩  
舜山亦巖從疆域雖云異  
民德將無同

天子建中和  
萬里熙春風  
引領昭仁化  
歲晏勒鼎鐘

贈馬伯循西歸四首

多病正未瘳  
秦楚求療之  
大白有遺方  
邂逅逢良醫  
服食鍊

元氣勇作千歲期  
寧知鍾山駕復戀  
堯門芝

東廓鄒先生文集

卷之十一

十八

元氣本浩然  
天人無小太  
金丹不入口  
玉匱書空破  
世人競  
抄誦羣聲遶  
倡和未闡窮  
河源閉戶乃高卧

君未登牛首  
還知牛首未  
傳聞非自得  
懸料終疑似  
何如陟  
其巔  
萬象無遁視  
歸去大華山  
輕舉時自試

大華升崔巍  
天高尙無極  
黃河日滔滔  
入海終不溢  
丹成黍  
青蛇一笑海  
天碧  
南風寄白雲  
邛首遙相憶

東園同涇野諸君賦三首

蕤蕤洛陽雲  
菁菁淇上露  
曲徑時深入  
危橋或橫度  
感此邱  
壑幽獨增  
魚鳥慕  
解帶縱高談  
月上西林素

桓桓中山功化機多餘慶坐令綺羅筵猶帶烟雲興傳聞隔  
江早半是菜蕪餽安得溥 皇仁羽介同飛泳

在昔聞風流西園有雅集蕪黃富才華遂令聲赫奕東園被  
儒素名流多坐客誰爲李龍眠白練拂千尺

贈龍道亨之平樂四首

衝雪鐘阜梅帶月橫山菊相知已惜晚相別亦何速平生輕  
離筵及茲更局促悠悠雲陽雲歸心行相逐

敬義昭前楹在子已聞命毫釐察臧否天壤分殃慶請看楹  
前花誰是歲寒勁相期朱陵峯層雲發青磬

東廓鄒先生文集

卷之十一

十九

道鄉亢吾宗忠簡昌吾鄉昔年乘玉麟遊戲昭陽岡神交自  
千古形滯各一方選子瓊芳薦示我瑤華章

坐嘯籌邊樓長吟天繪閣華夷皆赤子未用勤遠畧

聖王師放勳魚鼈且咸若贈子長江水萬里騰寥廓

雨花臺別蔡我齋四首

振衣雨花臺初試登山屐新晴見千里春光正融液饑食鍾  
阜翠渴飲長江碧幽興坐忘歸高談竟永久

永夕信可樂別袂遂當分遙望峨眉雪贈子鳳臺雲雲興沛

霖雨芹藻揚清芬任重涉遠道一身寄斯文

斯文雲中斗聲華局上奕朱雀僅有橋烏衣渺無迹誰能斥  
璞玉錦櫝藏燕石百年在須臾寧裳慎所適

所適將何許會稽拜文命煌煌精一傳萬古揭明鏡相如漫  
談空子雲不識性苛矣南軒風遲子分雅鄭

贈董蘿石用韻二首

昔登天泉樓獲讀從吾篇千里想高標神氣已翛然矧此薰  
風舟一月欸幽言再拜沈瀧惠炎歊滌新愆

海濱出片雲飄飄無染着老至家益貧浩歌有餘樂太虛皆  
吾廬何處不可泊世態如羣蠅腥膻爭前却願溥從吾方爲

東廓鄒先生文集

卷之十一

二十

世陳大藥

馬頰道中懷蓮坪南屏二君

朝暉已畏日午雨復畏濕誰能兩超然抱膝觀無極詰曲馬  
頰境宛對桐廬色早晚覓長竿相期附鴻翼

題王梧岡四時畫四首

青江渺無津四山正嶢峒掩卷何所執跌坐投長竿頭羣  
鷗翔機事應已息誰起龍門樵共話先天易

畏日思息影刺舟就平沙振衣登道岸蒼松卽吾家酌泉聽

松聲宛若鈞天樂彼哉耽世味披髮酣河朔

吾心如秋月片雲不容翳廓然照萬物何用安排計船頭觀  
月色印此波溶溶波搖光不搖認取未發中

玄冥似竇獻成白玉界一塵無處着超然破天械忍棟步  
江臯雙童鹿見唾但使中自得莫嘆知音稀

贈竹墟屠郡侯考績四首

霽日祛殘雪愚風盜幽谷東皇方言歸使君去何速悠悠循  
良傳夜半篝燈讀未須斑馬筆口碑鐫羣牧

聖主遴羣牧倚爲萬民命學術一以辟好惡紛交病允矣靖  
共心散作優優政持此報明光四海涵春詠

東廓鄒先生文集

卷之十一

二十一

古道準四海毀譽眞三代試看松谿子四月流遺愛使君起  
四明袖中有沆瀣疇從借天閭金丹或可再

壯齒慕金丹火候傳東海凡骨未易蛻鬢髮日以改仰止仙  
窻訣早已壽凍餒珍重羽翰生瓊宮正璀璨

贈豐城尹胡東巖考績二首

義方出 王門季方重禁苑展此製錦手家聲日以遠春江  
雨初霽驪歌花正苑去去墳與麓勒勛九折坂

神劍藏幽豸望氣識其寶况當金鏡懸六計昭品藻丈夫重  
志節榮名非所禱懋哉上帝臨竒績在自考

虛菴

虛靜生衆妙機械召羣妄由來神明宅一塵不可障抱膝斗菴中白日觀蓮象莫遣雲霧來咫尺迷所向

簡鸞溪

種樹宜及春覆瓦宜及晴削堵莫鹵畧填土莫歆傾古人素位學巨細咸曲成朝來親版築夕可調和羹

託石屋年兄料理行窩

弄泉春來漲花谷雨後勻願分尋樂方餘膏及東隣古云山  
中相豈必徵蒲輪萬象歸陶冶觸手是經綸

東廓鄒先生文集

卷之十一

二十二

約同志遊武功

病暑卧一榻乘秋思萬里手拄青琅玕屢躡丹霄裏乾坤無  
廣狹廣狹由人耳葛許自于秋孫曹乃逝水

同蓮坪郡守宿葛仙壇談觀舊約

披氈望上封連榻卧玄省一咲誅茆約果飽烟雲冷愛嗔何  
恡情晴雨皆竒景更祝遍名山交臂歲寒永

武功山遊勉同志二首

溪蘆望秋黃巖栢春不改乃知宇宙間浩氣固有在請看  
仙翁香火逾千載誰能睜雙眼跳身入苦海

蝸牛雄一殼鴻鵠隘四海人爲天地心撐拄作元宰我重物  
自輕萬態安能免及時振六翮無爲枋榆悔

彭生莊尼別同遊二首

夕來思濯足朝來思醜面雖有至慵人朝夕固無變胡爲洗  
心方勇往乃云倦努力諸同遊光陰去如箭  
日入相喚息日出相喚作靜聽叢竹鳥天機亦自樂矧茲羣  
彥集共商長生藥時檢爐中火無忘榻前約  
舟上梅陂有感勉同會諸友二首

泝瀨力未息上陂險更見攀挽總跬步失勢百丈漩古人進

東廓鄒先生文集

卷之十一

二十三

學喻死生爭一線安得呂梁叟放歌凌波面

一人獨操舟未若十人易峻陂協衆力狂瀾不得肆請看負  
販者經營猶合志努力窮源頭莫憚崑崙事

同五山中洲自齋師泉南野石竹及諸友題梅陂巖石  
躡峻升天根探竒窮月窟放歌六合春羲皇誰云沒淇叟垂  
波練茅石灑山骨永結洛社盟千秋同碑砢

苦旱告糴

頻歲苦旱颺蒲目紛溝壑聊抒鄉隣憂欲濟未能博魯獻告  
齊糴古風猶可作叩首祝豐年率土樂耕鑿

天池聚仙亭風雨對坐

靈雨灑積塵長風掃熇氣是誰鼓化機樹此希天幟對坐聚  
仙亭澄心飫真味千古晴曠域懸想安能至

圓通寺觀晴川壁間韻有懷

美人題壁處照壁烟孤燈遙想陽春堂苦行類高僧白蓮香  
可社黃菊價應增夜半金鷄叫北望瑞光騰

訪仙亭

穿雲訪仙亭客至雲盡掃羣仙應愛客山僧莫絕倒年來五  
岳杖信步皆蓬島浩歌無去留雲歸亦自好

東廓鄒先生文集

卷之十一

二十四

開先寺升黃巖

洗心玉峽水息足黃巖石三面開湖光層圍擁翠壁月印雙  
銀杏湛然天宇白移家入蓮華疇識先民迹

過柴桑觀石刻

摩娑南山刻裴回柴桑橋清風天外至何處覓塵囂百世曠  
相感猶令鄙薄消卜隣來種菊日暮抱甕澆

登廬山宿德安李氏居

戴星發開先乘月投美林不憚晨昏勞所憂炎暑侵暑威止  
毒膚欲根乃蝕心綿綿澄心丹今古幾知音

懷陽明先師書玉虛宮壁善兒及王生燦侍遊

重升希仙館卧榻覺更好靈君澹無欲覲面卽三島仙翁辭  
禹穴玉軼何大早空餘舊丹爐時將芻苔掃

謝晴川年兄惠巾履

擁爐白鶴山火候入精粹沙汀抗手別再拜美人賜巾頂卽  
皇天履端是厚地俯仰期對越冲舉乃餘事

贈井居成子同西石王子北上二首

玉峽折驛梅文江候葭律二邑得神君輿誦若談蜜鋒車召  
循良前席升宣室願持單父琴徃贄清廟瑟

東廓鄒先生文集

卷之十一

二十五

納牖格皇天推溝極赤子古人一體學皇皇若有耻豸冠與  
藤蓑照影一祭齒去去鱈魚交燥髮已在耳

青原同晴川師泉奉贈浮峰張使君四首

幽亭雲凝翠危橋月漾波舊交撫佳期皓然禹穴歌浚郊問  
干旄清韻灑薜蘿試問文明訣饑溺竟如何

饑溺本肝膽邈爾懸燕粵恫瘝弗爲療忍更加黥刑孔門關  
天樞位育有視軌駕言戒慎車六合行超忽

戒愼凜冥濛妙契傳廣漢青原似南山渙若釋氷炭世態紛  
河伯回首咲井幹願隨東風颯早晚登道岸

早晚孰無營丹訣之瑟僂火候不自力滄桑行逼眼壯齒謁  
仙翁共酌流霞琰功成從赤松藜光射瓊簡

贈西石王使君北上二首

贈別昔所悵別君興蹶然手持文江譜直賡虞廷絃日華徹  
葑室霜威讐戎旃行矣青原伴已醜擊壤錢

雲帆下玄潭無由挽仙舟猶憶文明雪擁爐話綢繆翡翠戲  
蘭茗鷓鴣明渴丹邱贈君泰山圖一鳴三千秋

同雙江兩峰龍井念菴諸君宿玄潭

高閣俯玄潭新月穿雪浪三宿商聖學更向純陽上談無或

東廓鄒先生文集

卷之十一

二十六

沉空執有乃滯象透取冲漠句始破寂感障

安仁觀碣石

靈峭削虎豹森森環重闕碣石拔地起中立無與班疑是段  
大尉遺笏屹塵寰千古幾豪傑相對無汗顏

明水媼家約冲玄出游遇雨

晴開象山雲雨尼冲玄步造化寧有心誰能測其故幽人抱  
玄樞默對無外慮未振空中翮且隱巖端霧

平川郡侯及同游別箕峯二首

暮齒慚虛度矧復迫炎景飄然結仙侶直卧武功頂龍起雨

灑窻月低桂弄影一塵無處着獨抱烟雲冷  
已超茆簷網更剖雲路藩博聞耻闕疑憶中喜多言浮靄尙  
未淨靈光尙中燉秉燭告同游早入無極門

次平川武功贈別韻

撫壯未惜陰垂老乃愛日携手卧層雲凝神會無極習氣慣  
依境炯然幾獨立步趨追皜皜無負淵水的

贈鳳竹徐使君自宜春膺召北上二首

祥雲下九苞光映宜春閣時聞鱗谷音散作武城鐸功成簡  
帝心翺翺翔寥廓卷阿有遺韻曠代尙可作

東廓鄒先生文集

卷之十一

二十七

摩衣茂對堂執訊原道閣召公未易致昌黎亦不惡勁節焚  
佛骨英標走溪鱗千古照汗青行矣萬金諾

勉董生明建兆明諸友丈量

千古一體學痛癢切髮膚八年不入門微禹吾其魚時當救  
焚溺寧復顧毀譽慙慙贈處誼訂頑日卷舒

別樂安永豐諸同志

眞性本來靜胡爲日憧憧平生葦血習正欠一洗功精神果  
凝聚酬酢自雍容及時研瑟侗葭律回黃鍾

瑟侗原由我浮泛更尤誰長生空自羨瘡豕未肯醫蓬萊無

俗客洗髓須乘期毛遂乃何人兩語決雄雌

象眠山聚講書勉樂安諸友

伐木歌象山童冠聲更幽眞僞辨只今仰止凜前修  
磬峰插漢表鰲石奠溪流男兒撐宇宙忍爲蕭艾謀

偕劉師泉及兒曹謁

陽明甘泉二先生祠郡侯劉吾

南黃遜齋邑侯鄒海嶼王懷鶴邑博王莘野劉紫峰  
諸生楊邦彥程栗之等會

良知揭越臺天理體楚雲靈明皎日月忘助空紛紜悠悠幔  
亭上仙氣猶氤氳

東廓鄒先生文集

卷之十一

二十八

兩翁儼祠宇絃誦日有聞我吹燕谷律君剖鴻寶文穀滅石  
可索縵嶺笙亦殷琳宮秉華燭幽義析夜分請從道南脉千  
秋更策勳

宿武夷冲佑萬年宮

入山雨迎涼到山雲歛霽山靈何愛客恍然若有契前修武  
可芟羣眞蹟未翳三極待人立勇作萬年計

謁紫陽文公書院簡吾南遜齋郡侯道契

羲洞兆人文天柱巋儒域更衣五曲與籩豆自翼翼觀善揭  
交詛隱求顧帝則何時雙瓊瑤茅茨寄巖側

